

Acta da Xunta de Goberno correspondente ó día 12 de setembro de 2014

No Pazo da Deputación Provincial de Ourense, o doce de setembro do ano dous mil catorce, ás trece horas, reúnese a Xunta de Goberno da Deputación baixo a presidencia de don José Manuel Baltar Blanco, presidente da mencionada Deputación -que como tal é da Xunta-, cos deputados, don Rosendo Luis Fernández Fernández, don Plácido Álvarez Dobaño, don Emilio José Pazos Ojea, don Francisco Rodríguez Rodríguez, don Antonio Montero Fernández, don José Manuel Freire Couto, don José Antonio Feijóo Alonso e don Eladio Mangana Nóvoa os que constitúen a maioría absoluta da devandita xunta, co fin de celebrar sesión ordinaria en primeira convocatoria e tratar nela os asuntos que figuraban na orde do día.

Asiste a interventora, dona Mónica Legaspi Díaz, e dá fe do acto, o secretario xeral, don Francisco Cacharro Gosende.

Unha vez aberta a sesión pola Presidencia á mencionada hora, e despois do correspondente estudo e deliberación, adoptáronse os seguintes acordos:

1.- ACTA DA SESIÓN ANTERIOR DO DÍA 8 DE SETEMBRO DE 2014.- Unha vez examinada a acta da sesión que tivo lugar o día oito de setembro de dous mil catorce, a **Xunta de Goberno** da Deputación **acordou**, por unanimidade, a súa aprobación, sen observacións.

2.- APROBACIÓN DA PROGRAMACIÓN ANUAL E PREZOS PÚBLICOS DA ESCOLA DE GAITAS DA DEPUTACIÓN PROVINCIAL DE OURENSE 2014-2015.-

No BOP n.º 137, do 15 de xuño de 2013, publicouse o texto íntegro da Ordenanza reguladora da Escola de Gaitas da Deputación Provincial de Ourense.

O artigo 4 da dita ordenanza establece a obrigatoriedade de aprobar a programación anual antes do 15 de setembro de cada exercicio, determinando o seu contido mínimo e os prezos públicos do servizo.

Mediante acordo do Pleno da Corporación Provincial do 28 de xuño de 2013, delegouse na Xunta de Goberno o exercicio da competencia para a fixación dos ditos prezos públicos (BOP n.º 152, do 4 de xullo de 2013).

Polo exposto, unha vez vista a proposta formulada polo director da Escola de Gaitas da Deputación Provincial de Ourense, e de conformidade coa proposta favorable da Presidencia, a **Xunta de Goberno**, por unanimidade, **adopta** o seguinte acordo:

1º.- Aprobación da programación anual da Escola de Gaitas da Deputación Provincial de Ourense para o curso 2014-2015, co seguinte contido:

a) Accións formativas que se desenvolverán:

Acta da Xunta de Goberno correspondente ó día 12 de setembro de 2014

Ciclo elemental gaita:

Preparatorio 1: 20 prazas

Preparatorio 2: 20 prazas

Ciclo medio gaita:

1º curso: 40 prazas

2º curso: 40 prazas

3º curso: 40 prazas

Ciclo superior gaita:

1º curso: 10 prazas

2º curso: 10 prazas

3º curso: 10 prazas

4º curso: 5 prazas

Curso especial para adultos gaita:

1º curso: 40 prazas

2º curso: 20 prazas

Percusión:

1º curso: 20 prazas

2º curso: 20 prazas

3º curso: 20 prazas

Curso especial: 10 prazas

Canto e pandeireta:

Preparatorio 1: 15 prazas

Preparatorio 2: 20 prazas

1º curso: 20 prazas

2º curso: 20 prazas

3º curso: 20 prazas

Curso adultos canto e pandeireta:

1º curso: 30 prazas

2º curso: 30 prazas

Zanfona:

1º curso: 10 prazas

Acta da Xunta de Goberno correspondente ó día 12 de setembro de 2014

2º curso: 10 prazas

3º curso: 10 prazas

b) Calendario de actividades:

Os cursos iniciaranse o 1 de outubro e finalizarán o 30 de xuño, impartíndose 1 hora diaria por materia e 1 hora de ensaio diario e actuacións coas distintas agrupacións da Escola.

c) Prazos e procedemento de inscrición:

O prazo de matriculación será do 15 ao 30 de setembro, ambos incluídos, aprobándose o proceso de admisión e apertura do prazo de matrícula mediante Decreto da Presidencia, conforme co establecido nos artigos 6 a 9 da ordenanza reguladora.

Excepcionalmente, e en función da existencia de vacantes e da demanda, a Presidencia poderá abrir períodos extraordinarios de matrícula ao longo do curso, dirixida a alumnos estranxeiros ou grupos de centros galegos da emigración.

d) Prezos públicos:

O prezo da matrícula por curso académico e materia será de 40 euros.

O pagamento da matrícula poderá realizarse do seguinte xeito:

- Pagamento total da matrícula no momento de realizar a inscrición.
- Pagamento fraccionado en 3 prazos, do seguinte modo: 20 euros no momento de realizar a inscrición e 10 euros nos 15 primeiros días dos segundo e terceiro trimestres de cada curso académico.

2º.- Establecer a estrutura xeral das ensinanzas que se impartirán na Escola Provincial de Gaitas, nos seguintes termos:

- As ensinanzas de gaitas estrutúranse en tres ciclos (elemental, medio e superior). O ciclo elemental componse de dous cursos, o ciclo medio de tres cursos e o ciclo superior de catro cursos.
- As ensinanzas de percusión estrutúranse nun único ciclo, dividido en tres cursos.
- As ensinanzas de canto e pandeireta estrutúranse en dous ciclos: elemental (dous cursos) e superior (tres cursos).

Acta da Xunta de Goberno correspondente ó día 12 de setembro de 2014

Complementariamente á dita estrutura fundamental, ofértanse cursos especiais para adultos nas disciplinas de gaita, percusión, canto e pandeireta.

A programación dos diferentes cursos serán definidas polo director da Escola de Gaitas e estarán dispoñibles para os interesados nas dependencias da Escola.

3º.- Ordenar a publicación no BOP deste acordo, para xeral coñecemento e darlle conta á comisión informativa de Educación, Cultura e Deportes na primeira sesión que teña lugar.

3.- APROBACIÓN DE SUBVENCIÓN Ó CONCELLO DE QUINTELA DE LEIRADO.-

No Pleno de data 30 de abril de 2014 acordouse aproba-lo expediente nº 2/2014 de modificación das bases de execución do orzamento, destinando unha subvención de 15.733,94 euros a favor do Concello de Quintela de Leirado, para a instalación de depósito de almacenamento de gasóleo para casa comunitaria no núcleo de Xacebás, con cargo á aplicación orzamentaria 450.12/762.01.

Unha vez incorporado o remanente de crédito ó orzamento correspondente ó ano 2014, vista a solicitude de subvención formulada polo alcalde do mencionado concello, comprobado pola Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta favorable da Presidencia, a **Xunta de Goberno**, por unanimidade, **acorda** aprobar unha subvención ó Concello de Quintela de Leirado, nos seguintes termos:

-Importe: 15.733,94 €.

-Obxecto: instalación de depósito de almacenamento de gasóleo para casa comunitaria no núcleo de Xacebás.

-Xustificación: a subvención xustificárase mediante a presentación de conta xustificativa simplificada, todo isto de conformidade co que dispoñen os artigos 30 e 31 da Lei xeral de subvencións e o artigo 75 do Regulamento da antedita lei, á que se lle unirán os orixinais das facturas ou dos correspondentes documentos de valor probatorio equivalente, debidamente aprobados polo órgano correspondente.

Ó abeiro do establecido no artigo 31.2 da Lei xeral de subvencións, considerarase como gasto efectivamente realizado aquel cuxa obriga de pago fose contraída antes do vencemento do prazo de xustificación da subvención. En consecuencia, non será preciso acreditar-la realización do pago na conta xustificativa. Non obstante o anterior, e no exercicio

Acta da Xunta de Goberno correspondente ó día 12 de setembro de 2014

das súas facultades de control financeiro, a Intervención poderá realizar procedementos simplificados de control financeiro, consistentes en esixir, a partir do mes seguinte ó do pago da subvención, a acreditación do pago da totalidade dos gastos incluídos na conta xustificativa. O incumprimento desta obriga dará lugar á obriga de reintegro por parte do beneficiario, así como á imposición das sancións que procedan.

-Prazo xustificación: ata o 30 de novembro de 2014

4.- ASUNTOS DE URXENCIA.- Trala unánime declaración da urxencia do asunto, por non figurar incluído na orde do día, adoptouse o seguinte acordo:

4.a) APROBACIÓN DA PROGRAMACIÓN ANUAL DA ESCOLA DE ARTES E OFICIOS CORRESPONDENTE Ó CURSO 2015.- Á vista da proposta formulada pola Dirección da Escola, trala unánime declaración da urxencia do asunto, por non figurar incluído na orde do día e de conformidade coa proposta favorable da Presidencia, a **Xunta de Goberno**, en exercicio da competencia atribuída polo artigo 3.1 da dita ordenanza, así como da delegación conferida polo Pleno da Deputación mediante acordo do 27 de xullo de 2012 (BOP n.º 189, do 18 de agosto de 2012) para a fixación dos prezos públicos da Escola, **adopta** o seguinte **acordo**:

1) Aproba-la programación anual da Escola de Artes e Oficios para o curso 2015, co seguinte contido:

a) Accións formativas que se desenvolverán:

- Debuxo e iniciación á pintura
- Perfeccionamento en pintura.
- Talla de madeira.
- Modelado.
- Oleiría e esmalte de cerámica.

b) Calendario dos cursos: do día 2 de xaneiro de 2015 ó 30 de xuño de 2015.

- Impartiranse ata 3 horas de docencia diarias de cada disciplina en días hábiles, e en horarios que fixará a Dirección da Escola.
- Cada disciplina contará cun profesor específico, cun total de cinco (5) profesores.
- En función da matrícula efectivamente existente, a Dirección poderá organiza-lo contido de cada disciplina nos grupos e horarios que se estimen máis convenientes.

Acta da Xunta de Goberno correspondente ó día 12 de setembro de 2014

- A impartición dos cursos levarase a cabo nas aulas da Escola de Artes e Oficios utilizando os medios materiais dispoñibles.

Non obstante o anterior, o material de traballo de cada alumno (pintura, lenzos, molduras, etcétera) será por conta deste. Como excepción, no curso de oleiría, esmalte e modelado, a Deputación adquiriralle o barro a un distribuídor e cobrarallo ó alumno a prezo de custo. Sen prexuízo de que este poidan adquirilo pola súa conta, se así o desexan.

c) Prazo e procedemento de inscrición para a participación nas accións formativas.

O prazo de inscrición será do 15 ó 28 de outubro, ambos inclusive. A inscrición realizarase no Centro Cultural “Marcos Valcárcel” no modelo normalizado dispoñible nas ditas oficinas e esixirá o ingreso de matrícula anual establecida.

A presentación do formulario de inscrición coa acreditación do pago de matrícula permitirá entender automaticamente realizada esta.

d) Normas de permanencia en disciplinas.

Os alumnos non poderán permanecer nunha disciplina máis de cinco (5) anos. Pasado este período, enténdese acadado o seu nivel formativo e deberán matricularse nunha disciplina distinta ou deixa-la Escola. En Pintura, o paso de iniciación a perfeccionamento pode ser antes dos cinco (5) anos, trala autorización previa do director e informe favorable do profesor titular.

Para aplicación desta norma, teranse en conta os cursos realizados nos exercicios precedentes.

e) Prezos públicos pola participación en accións formativas.

- Matrícula anual por disciplina: 40,00 €

- Abono mensual por disciplina: 10,00 €/mes por alumno, excepto no mes de xaneiro, que queda exento do pago do abono mensual.

A matrícula debe ser pagada no momento da inscrición, constituíndo requisito previo imprescindible para a súa efectividade.

O pago da cota mensual deberase de efectuar por adiantado nos primeiros cinco (5) días de cada mes. A falta de pagamento dará lugar de forma automática á suspensión do dereito de asistencia ó curso, que se manterá ate que se realice o referido pago.

Os prezos públicos indicados inclúiranse co IVE correspondente.

Acta da Xunta de Goberno correspondente ó día 12 de setembro de 2014

- Bonificacións: En tódolos prezos públicos aplicaráselles unha bonificación do 100% ós alumnos que teñan a condición de desempregados ou que formen parte dunha unidade familiar na que os dous proxenitores se atopen en situación legal de desemprego. A acreditación da condición de desempregado realizarase mediante certificación expedida polo Servizo Público de Emprego.

Ó abeiro do establecido no artigo 4.1.c) da Ordenanza reguladora da Escola de Artes e Oficios, establécese unha bonificación do 100% tanto na matrícula anual como no abono mensual, en tódalas disciplinas para as persoas con síndrome de Down e persoas cun grao de discapacidade recoñecido igual ou superior ó 33%. Para o acceso á dita bonificación, os interesados deberán acredita-lo seu grao de discapacidade.

2) Ordena-la publicación no BOP deste acordo, para xeral coñecemento.

3) Deste acordo, adoptado por razóns de urxencia, ante a necesidade de proceder á aprobación da programación de modo que permita a apertura do período de matrícula antes do inicio do curso, daráselle conta á Comisión informativa de Educación, Cultura e Deportes, na primeira sesión que teña lugar.

5.- COMUNICACIÓNS DA PRESIDENCIA.- Non houbo.

6.- ROGOS E PREGUNTAS.- Non se formularon.

E, ás trece horas e trinta minutos, do referenciado día doce de setembro do ano dous mil catorce, a Presidencia dá por rematada a sesión da Xunta de Goberno, e redáctase esta acta, que se asinará segundo o legalmente establecido.

O PRESIDENTE,

O SECRETARIO,